

畏齋周易客難

周易客難序

周易經四聖人之手而成。包犧氏作者也。文王周公孔子述者也。包犧氏則圖畫卦。卦皆出於天之自然。六十四卦中每卦中皆一天也。六十四卦初作不得有名。包犧氏既造書契。因各卦之奇偶變化。得位不得位。而繫之六十四卦之名。名立而義理象占皆在其中矣。此所謂作者之聖也。卦雖有名。不得有辭。義理象占非上聖如包犧者不能悟。文王因欲人人皆悟。故繫六十四卦彖辭。周公更繫三百八十四爻爻辭。則皆述包犧者所謂述者之聖也。孔子作十翼。則兼述三聖人所謂述而集大成。

之聖也。四聖人設卦繫辭作述相承而卦之蹟者以明。隱者以顯。深者以呈。遠者以近。人人易明。於是乎有舍象占而言義理者矣。輔嗣伊川輩是也。言義理非有可疵。然卦不能自言。象辭爻辭已代之言。諸卦爻所言吉凶悔吝。无咎悔亡之類。莫不以象占爲言。又何以稱焉。故易爲卜筮之書。從古無異說。朱子說易以象占爲本義。因以名其書。誠哉四聖人作易之宗旨也。卜筮旣爲本義。而其妙用尤在於兼占互體。傳曰。引而伸之。觸類而長之。一卦變六十四卦。共得四千九十六卦。更以互體占之。如周史筮陳敬仲得觀之否。兼占互體。媯姜與替。無不洞然所

謂天下之能事畢不其然乎伏讀

聖祖仁皇帝御纂周易折中及我

皇上御纂周易述義總括眾說廣大精微每卦每爻無不兼及互體
遂使爻辭一字不可移易蓋由

兩聖人默契四聖故發明四聖人之書不啻四聖人自爲註釋遂不
覺直抒心得空絕前後有如此也玠之客難亦兼說義理于象
占之中至于先儒所偶未及及說之有未安者見于總序圖說
及上下經若干條十翼若干條其尤大別于舊說者則以南北
極說太極後天八卦歸之包犧蓋皆得其確據不敢一字牽強

者似亦千慮之一得可以質之四聖人而無忤云乾隆癸巳閏
三月戊子南昌龔元玠書

畏齋周易客難目錄

卷全

周易總論

十二辟卦本先天卦位

辟卦合河圖

後天卦位

乾文言

屯卦初九盤桓利居貞利建侯

六三卽鹿无虞惟入于林中君子幾不如舍往吝

九五屯其膏小貞吉大貞凶

蒙卦初六發蒙利用刑人用說桎梏以往吝象曰利用刑人以正法也

九二包蒙吉納婦吉子克家象曰子克家剛柔接也

六三勿用取女見金夫不有躬无攸利象曰勿用取女行不順也

師卦六三師或輿尸凶象曰師或輿尸大无功也

比卦先王以建萬國親諸侯

否卦初六拔茅茹以其彙貞吉亨

六二包承小人吉大人否亨象曰大人否亨不亂羣也

六三包羞

九四有命无咎疇離祉

同人卦六二同人于宗吝

上九同人于郊无悔

隨卦六二係小子失丈夫

蠱卦九二幹母之蠱不可貞

六四裕父之蠱往見吝

六五幹父之蠱用譽

大畜卦天在山中大畜君子以多識前言往行以畜其德
頤卦頤貞吉觀頤自求口實彖曰頤貞吉養正則吉也觀
頤觀其所養也自求口實觀其自養也

遯卦九五嘉遯貞吉

上九肥遯无不利

大壯卦初九壯于趾征凶有孚

晉卦初六晉如摧如貞吉罔孚裕无咎

六二晉如愁如貞吉受茲介福于其王母

九四晉如鼫鼠貞厲

上九晉其角維用伐邑厲吉无咎貞吝 維用伐邑道未光也

明夷卦初九明夷于飛垂其翼君子于行

六二明夷夷于左股用拯馬壯吉

九三明夷于南狩得其大首不可疾貞

六四入于左腹獲明夷之心于出門庭 入于左腹獲

心意也

家人卦六四富家大吉

益卦上九莫益之或擊之立心勿恒凶

中孚卦中孚豚魚吉

虞吉有它不燕

上古結繩而治後世聖人易之以書契

帝出乎震章

畏齋周易客難卷一

南昌龔元玠璩山甫著

周易總論

客曰、周易更四聖之手、出於何書、曰、孔穎達易正義云、伏羲制卦、文王卦辭、周公爻辭、孔十翼也、求之於經、皆合、故後人不能易之、曰、重卦之說、司馬遷屬之文王、鄭康成屬之神農、孫盛屬之夏禹、王輔嗣屬之伏羲、何說爲允、曰、朱子曰、周官言三易、經卦皆八、別皆六十、有四可見重卦非文王矣、孔穎達曰、繫辭神農之時、已有取諸益與噬嗑、則以伏羲自重之、爲得其實、二說

可據也。曰：或疑爻辭亦文王所作。然否曰：龔澄元謂舒曰：敬曰：明夷之五爻辭：箕子之明夷，利貞。直指暗君似談往事，比密雲象辭殊爲顯露，似屬之周公爲宜。舒大稱善，可以無疑。爻辭之爲周公作矣。曰：伏羲時百姓淳樸，變故不多，六十四卦直能盡後世之情僞，何也？曰：六十四卦於師知當時已有征伐，於訟與噬嗑知當時已有訟獄。蓋伏羲去生民之初，已數萬年，目覩世運之推遷，民物之變態，思有以覺悟維持之。因近取遠，取作八卦，重六十四卦，以通神明之德，以類萬物之情。真所謂作者之聖也。若文王、周公、孔子，則真所謂述者之聖也。曰：文王、周公何

以爲述曰。文王六十四彖辭。理與象已寓於六十四卦中。周公三百八十四爻辭。理與象亦寓於三百八十四爻中。故僅謂之述。不得謂之作也。曰諸圖何如。曰河圖先天次序。先天方位。六十四卦次序。六十四卦方位。三索分男女。後天方位。七圖皆伏羲易也。並詳見後。

十二辟卦本先天卦位

客曰、十二辟卦何所本、曰此天之自然、非人所能爲也、嘗以先天八卦圖按之、左方震兌乾自坤而下、各以其次重之、而離不用、右方巽艮坤自乾而下、各以其次重之、而坎不用、凡二十四卦、重之得十二、乾八坤八、震兌巽艮各二也、左陽三坤右陰三、乾楊根陰陰根陽互藏其宅、蓋莫非自然之妙也、曰願聞重之之法、曰順數逆數則無不明矣、前所陳者、從子復至丑臨順數也、若用逆數則自乾至坤、以次重之、由四月重乾爲己辟、兌加乾爲辰辟、震加乾爲卯辟、坤加乾爲寅辟、坤加兌爲丑辟、坤加

震爲子辟自坤至乾以次重之由十月重坤爲亥辟艮加坤爲戌辟巽加坤爲酉辟乾加坤爲申辟乾加艮爲未辟乾加巽爲午辟其左方下卦恰乾兌震之序乾四兌一震一上卦恰乾兌震坤之序乾一兌一震一坤三右方下卦恰坤艮巽之序坤四艮一巽一上卦恰坤艮巽乾之序坤一艮一巽一乾三也焦延壽卦氣直日之法合十二辟卦八卦方位而一之然其卦位用後天與辟卦之出先天者不符朱子未識其誤之所由所爲有乾不當爲巳辟坤不當爲亥辟乾不當在西北坤不當在西南之譏耳曰坎離何以不用曰六爻之位上坎下離十二辟卦無

不有坎離也六十四卦無不有坎離也

辟卦合河圖

客曰、先天卦出於河圖、辟卦亦合否、曰原無不合。自天一合地二四六八十而爲復。例推之。至天一三五七九合地十而爲夬。得五卦。又由天一三五七九復合所連之一而爲乾。一九老陽合而變之。有二八之數。陽用饒則爲少陰。而生姤矣。自地二合天一三五七九而爲姤。例推之。至地二四十八六合天九而爲剝。得五卦。又由地二四十八六復合於所連之四而爲坤。四六老陰合而變之。有三七之數。陰用乏則爲少陽。而生復矣。復臨陽微。壯夬乾陽盛。故一三在內。而七九在外。姤遯陰微。觀剝坤

陰盛故二四在內而六八在外蓋亦自然之妙而非人力所能
與也其陰數之逆數何也四象之位不動四象之數陽順陰逆

後天卦位

客曰、先儒以後天八卦方位、爲文王所定、然歟、曰、說本邵子。而其實非也。蓋伏羲畫八卦、并造書契、今按震巽離坤兌乾坎艮八卦、俱按八方十二辰制字、可知伏羲所定、非文王也。曰、此言未之前聞也。願聞所據。曰、雷頭辰脚爲震、居卯辰之間、二巳共爲巽、居雙女巳位、離居長離朱雀午位、土申爲坤、居未土申金之間、八口凡爲兌、居八月酉位、一九二十藏日爲乾、日天所主也、居戌亥之間、欠土爲坎、居水旺子位、丑頭木火脚爲艮、居丑寅之間、震巽坤艮藏辰巳申丑、則離午兌酉乾亥坎子。

可推兌乾藏八九十則震二三巽三四離五六坤六七坎十一
十二艮十二正可推離爲朱雀則震青龍兌白虎坎元武可推
象也月也地支也互見於八字中而謂作於文王可乎帝出乎
震章言之詳矣可參玩之

文言

客曰、文言中元者善之長也云云、見於春秋襄九年穆姜之所稱先儒以爲古語、敢問此何等古人語也、曰、尋常古人安能爲此語、其周公乎、周公釋文王彖辭、故稱文王之謚曰文言、言分四德、乃親炙文王受其彖辭之意而爲此言也、下六爻加子曰字、正以明文言爲周公語、但君子行此四德者、以上三節宜在彖傳大哉乾元節之前、不知何時誤脫在此耳、又據穆姜占隨卦引此二節、則自乾坤隨三卦外、如屯臨无妄革四卦、皆有元亨利貞、皆當兼文言四德之訓以釋之、孔子據文王周公四德

之訓而爲乾坤二象傳。屯隨臨无妄。革五卦亦當兼孔子二象傳以釋之。旁推交通。乃能盡七卦之義。

初九磐桓利居貞利建侯

客曰。初何以有侯象。曰。主器者莫若長子。初爲震主。有侯象。以象言。陽下陰。有侯之德之才。利建之以濟屯。如漢高封韓彭之類。韓彭雖不可以言德。以占言筮此者。必有建侯之祥。如畢萬得屯之比之類。庶人得此。其亦利有求助。創建之事歟。漢高未爲天子之前。象全類此。父老殺沛令。開城門迎劉季。欲以爲沛令。劉季婉辭數讓。磐桓也。前之亾匿。隱芒碭山澤間。後之入關。納樊噲張良之諫。居貞也。諸將稱沛公。素寬大長者。秦民喜沛公。惟恐不爲秦王。以陽下陰。爲民所歸也。懷王封沛公武安侯。

利建侯也。

六三卽鹿无虞惟入於林中君子幾不如舍往吝

客曰此爻之象云何曰三爲互艮初爻艮爲山爲黔喙之屬鹿山林之獸三陰躁不能安於止有卽鹿象應比皆陰有无虞象以人事言之象類項羽西楚霸王下卦之上也匹夫之勇婦人之仁屠咸陽弑義帝陰居陽不中不正也與漢王爭天下卽鹿也不用范增至有東城之慘无虞入林中也韓信背而歸漢幾而舍者也范增因閒而見疑遂以疽死往而吝者也曰君子以下別作一人可乎曰如首事而無助者占此則宜見幾而止擇主者占此則宜知其无成而去之易之用所以无窮也

九五屯其膏小貞吉大貞凶

客曰屯膏之象奈何曰陷於陰中爲不得施其膏五爲互艮上爻自止其膏皆所謂屯其膏也此卦通上下體觀之極似齊景公之朝初如陳氏厚施得民二如平仲之得君不足以濟此爻則景公不能以禮已陳氏之施而屯膏也曰小貞大貞之義奈何曰程傳以盤庚周宣爲小貞之吉以魯昭公高貴鄉公爲大貞之凶諸說皆統之矣魏氏了翁據周禮大貞如遷國立君之類以釋本經大旨亦可參看

初六發蒙利用刑人用說桎梏以往吝象曰利用刑人以正法也

客曰、刑人桎梏之義、程傳以爲威之以刑、所以說去其昏蒙之桎梏、本義以爲當痛懲而暫舍之、以觀其後、而王氏安石則曰、當蒙之初、不能正法以懲其小而用說桎梏、縱之以往、則吝道也、王氏宗傳則曰、苟說其桎梏而不豫以禁之、則過此以往、不可復制矣、故於發蒙之初、用刑人則以爲利用說桎梏、則以爲吝也、數說孰勝、曰、據傳正法云云、則王氏之說爲勝、蓋初爲蒙之甚、刑人桎梏云者、所謂童牛之牯也、若暫舍意、乃爻詞所隱

具而無待言者自古安有發蒙終日用刑者乎曰胡氏炳文敬
敷五教在寬之說非卽司徒之所守與本義相發者乎曰此教
民非發蒙也且其意原具九二包蒙象中此爻不必侵奪坎
爲隱伏爲矯揉九家易又爲桎梏隱伏則當發矯揉發之用也
桎梏發之具也桎梏只是夏楚收威嚴爲約束之意非真以桎
梏作教刑也

此予壬申登州使院所作客難也後讀周易述義釋此爻云
刑人者可爲儀刑之人也此於正法二字更爲親切教者必
以正而師之身亦必先正身正教正故可以爲蒙者之法矣

楊子云經師人師人師卽刑人也

九二包蒙吉納婦吉子克家象曰子克家剛柔接也

客曰二剛而不過包蒙固所優矣而又曰納婦吉者何也曰離中女有婦象九居離中爻有納婦象卦體以一陽受羣陰亦有納婦象從發蒙之義言之納婦者其受衆陰之蒙而爲之師乎古者天子六官有內宰之教以陰禮教六官九嬪以婦職之法教九御見於周官前漢昭帝后亦親從夏侯勝受書以此例之二當發蒙之任有教無類雖婦人有初筮之誠求之者亦受而教之而吉也蒙上交故不復言蒙耳

周公繫爻又作周官曰子周易周官相通如此

克家者何也曰傳專釋此句蓋以應五言卽兼承上文而言也

程傳云二能包納則克濟其君之事猶子能治其家也楊氏萬里曰臣事君如子事父正使致君如伊周亦臣子分內事如求之克家耳非功也二說備矣

六三勿用取女見金夫不有躬无攸利象曰勿用取女行

不順也

客曰六三之義王氏弼程傳二說何如曰輔嗣以金夫爲上九程傳以金夫爲九二竊意上雖陽爻非治蒙之主三之於上止宜如隨二應五之例目之爲丈夫可矣今日金夫自宜以程傳稱九二羣蒙所歸得時之盛之說爲勝且傳曰行不順蓋以他陰爻無正應者從二爲順三有正應從二爲不順也若云從上九又安得謂之不順乎曰易例陰居下體求於上體多凶此豈非其類乎曰此不可以概也蒙以求陽爲亨猶比以親賢爲吉

觀比二五則此爻從上安見其不可也。曰此爻何以不取應義而取比義。曰上擊蒙者也。二包蒙納婦而當任者也。三陰柔不中正則畏擊喜納舍正應而從之自其情也。故二嘉其包納上戒其爲寇而此則直言其无攸利。此易取義之通例也。曰三何以不象婦而象女。且二旣納婦何以又云勿用取女。曰三爲互坤之初爻。姤之初也。故有女象。且與姤象詞同。二納婦者納羣陰而發其蒙。非取女也。三以不中正之女見之而不有其躬。是欲二之取也。故因象而戒以勿用。二不待戒也。戒他人及占者耳。曰金夫之義云何。曰坎爲中男。故二象子。又象夫。坎得乾中

先王以建萬國親諸侯

客曰傳稱黃帝建萬國黃帝亦體比卦以建萬國親諸侯乎曰
猷滄相比以比于川九川相比以比于海黃帝在伏羲後正體
比卦之義以建國親侯者也曰萬國見于易大傳前則見於左
傳哀七年漢賈山唐杜佑以爲約畧之辭如萬民萬物之類何
如曰黃帝初建萬國湯時僅有三千周初一千八百以三代兼
并言之原可信春秋時存者無數十戰國時由十二七雄而歸
於一傳記亦昭昭可考學者奈何不信易傳左傳而信漢唐人
之言乎且民物數不止萬故約畧言之萬國則正合開方之數

周易客難

卷一

七

賈杜反疑其不及于萬可乎。

初六拔茅茹以其彙貞吉亨

客曰、此之象拔茅者、小人乎、抑君子乎、曰、程傳指爲在下之君子能與其類、貞固其節、則處否之吉、而其道之亨也。後人宗之者、復有誦身伸道潔身有待之說、竊以此意固善、而於拔茅之義爲難通矣。本義以爲惡未形者、近是、而以爲小人亦未允。蓋初六乃士之未仕者、能與其類、以正道進、則吉亨矣。又初六以柔居剛、有濟否之才、上應九四、有濟否之遇、則此爻之義固宜。以在下之君子出而濟否者、言之也。

六二包承小人吉大人否亨象曰大人否亨不亂羣也六

三包羞

客曰包承包羞之象云何曰二陰柔中正乃君子中之小人公
孫宏似之其待轅固汲黯董仲舒卽所謂包承也三子亦正合
象傳不亂羣之旨若六三在互艮之中爲互巽主爻卑巽近利
行同狗彘乃馮瀛王長樂老人之類耳

九四有命无咎疇離祉

客曰、爻何以有有命之象、曰五之命也、五爲互巽、上爻有命令之象、四近五、否極當變、能承君命以脩人事、則无咎。程傳所謂事皆出於君命、則可以濟時之否者是也。疇離祉之義、奈何曰、四應初六、所謂疇正其所拔者也。若九五爲休否之君、不得以疇目之上九有傾否之才、亦不賴九四而獲福矣。曰有謂否时无應義者、何如曰、否時何嘗不舉賢、撥亂世、反之正、豈一人所能爲乎。

六二同人於宗吝

客曰、六二有中正之德、何以有此象、曰、此戒詞也。言五陽皆欲與二同。若二專與五同、則可吝矣。伊川解隨六二云、二有中正之德、非必至如是也。在隨之時、當爲之戒也。此爻同此例。

上九同人于郊无悔

客曰、于郊之義云何、曰、諸說多以爲无應无同。然旣云同人于郊、何得以爲无與同耶。蓋國外野內、閒靜者之所居也。與閒靜者同、故志未得而可以无悔。嚴光田游巖輦是其象也。

六二係小子失丈夫

客曰、敢問此爻之義、曰程傳云、二有中正之德、非必至如是也。在隨之時、當爲之戒也。此義不特在本爻爲切、凡卦之以陰居二者、皆當以此意例之。曰或謂隨二陰柔不能自守而妄隨、猶咸二陰柔不能固守而妄動、何如曰、咸二惟中正、故猶有居吉之占。此爻惟中正、故止於戒、而不言其凶吝。且九五孚嘉正以二中、正而信之。若以失丈夫爲正象、則二不可言嘉五亦孚、非所孚矣。曰昔人以穆姜筮居東宮、得艮之八、宜占此爻者、何如曰、私僑如得罪、宣公正係小子失丈夫之象。然艮爲貞、隨爲悔。

穆姜若能如艮腓之貞則不至如隨之悔矣凡筮卦視本人之德與卦義爻義而不相悖穆姜无中正之德故犯此爻之所戒曰然則穆姜何以占彖辭曰因避係小子之文故權就彖辭斷之以殺恥也

九二幹母之蠱不可貞

客曰、不可貞之義何如。曰、程傳云、以周公之聖輔成王。成王非甚柔弱也。然能使之爲成王而已。守成不失道則可矣。固不能使之爲羲黃堯舜之事也。此說近之。然愚意如諸葛武侯之於後主、狄梁公之於武后、爲尤似。二互兌有和悅以幹蠱之象。

六四裕父之蠱往見客

客曰、何謂裕父之蠱。曰、以陰居陰、才不能幹蠱。平王東遷不能有爲此爻是也。

六五幹父之蠱用譽

客曰、諸卦五應二象用賢者多矣、此何以獨用譽曰、自三至五、震也、三過剛有悔、四過柔見吝、五主器長子、以柔中居剛中、動能有爲、而九二復承以德、故幹蠱獨善而能用譽、蓋六爻皆喜、剛柔相濟也、若之卦爲大過、陽過比陰反无譽矣、曰程傳云、太甲成王皆以臣而用譽者也、比例何如、曰此未當、湯武无蠱、可幹以語、夏少康、周宣王之賴賢中興則可耳。

天在山中大畜君子以多識前言往行以畜其德

客曰天在山中可徵實否曰凡可取象者皆可徵實胡氏一桂云天包地外山附於地地下有天卽山中有天也中字只作下字解與地中有山雷在地中一例此說是矣曰據此似與地天之卦象混否曰地之隆起者爲山其氣脈與凡地不同地下有天專據有山之地言則地卽山也有何混乎曰張氏清子以雷雨雲風之氣言之似更顯而可信曰如張說則仍是山上有天安在其爲天在山中也且雷象震雲雨象坎風象巽安得雜取不倫以代天也曰凡象可徵實如睽上之載鬼一車恐不可通

曰。此。便。是。以。無。爲。有。之。實。象。且。事。之。奇。怪。何。所。不。有。雖。以。爲。實。
有。之。象。如。太。子。申。生。命。狐。突。登。僕。之。類。亦。無。不。可。況。以。無。爲。有。
乎。曰。多。識。畜。德。之。義。云。何。曰。以。山。畜。天。所。畜。之。大。不。可。加。君。子。
法。之。以。多。識。畜。德。其。畜。之。大。亦。不。可。加。蓋。爲。畜。德。而。多。識。則。不。
徒。多。矣。與。他。處。不。貴。多。之。意。自。別。

頤貞吉。觀頤。自求口實。彖曰：頤貞吉，養正則吉也。觀頤，觀其所養也。自求口實，觀其自養也。

客曰：觀頤，自求口實之義奈何？曰：玩彖傳所養，自養對言。則觀頤，屬養人言。養人得正則吉也。自求口實，屬自養言。自求養身之道，得正則吉也。如舊說，則觀與自求之旨未瑩。而彖傳所養，自養之義亦費解。故有未安耳。曰：口實可兼養德否？曰：據商書成湯恐來世以台爲口實，及楚語使無以寡君爲口實，則大象言語飲食俱可稱口實。

九五嘉遯貞吉

客曰。傳曰。遯。非人君之事。不主君位言。然歟。曰。何嘗不可以君位言也。陽剛中正之君。應柔順中正之臣。則嘉遯而貞吉。吉則可以不終遯矣。今求之於古。夏少康。周襄王。其天子之嘉遯者。乎。靡及晉文。其執用黃牛之臣乎。羿。浞。叔帶。其浸長之二陰乎。以諸侯言之。周古公。直父。晉公子重耳。衛獻公。其諸侯之嘉遯者乎。邠人五臣。子鮮。子展。其執用黃牛之臣乎。狄人奚齊。荀息。殤公。孫林父。甯殖。其浸長之二陰乎。自秦漢以後。類此者尤多。不能勝數也。曰。此外亦有終於遯而稱嘉者否。曰。紀侯大去其

國嘉遯之諸侯也。民之從者四年而後畢。執用黃牛好遯之臣也。讓皇帝嘉遯天子也。程濟、楊應龍、葉希賢執月黃牛之臣也。其廖平等十九人好遯之君子也。

上九肥遯无不利

客曰、肥遯之象、似嚴光諸人否、曰、須合後長之二陰求之、乃得真象。商山之四皓、青門之召平、遯東之管寧、肥遯中之傑出者也。嚴光在新莽時、亦似其象。

初九壯於趾征凶有孚

客曰壯趾征凶願聞其象曰主父偃臨淄布衣耳以上嘗拜爲
郎中一歲四遷至中大夫大臣咸畏其口踰年遂致赤族之慘
非所謂壯趾征凶者乎噫予讀史傳後之壯趾而凶者何其接
跡於世也

初六晉如摧如貞吉用孚裕无咎

客曰初之晉如摧如嘗擬之范雎之食草具於秦韓信之爲連敖坐法當斬於漢其後雎待命歲餘卒爲應侯信拜治粟都尉以蕭何薦卒爲大將擬之周孚裕无咎亦似有合何如曰亦當合二人先後觀之雎辱於魏信屈於楚陰居下應不中正也秦昭不信雎漢高不奇信則周孚之象也餘窮所擬得之

六二晉如愁如貞吉受茲介福于其王母

客曰六二之象云何曰司馬光呂公著在熙豐之世可謂晉而愁矣其居洛知揚州則貞吉也大用於宣仁則受茲介福于王

母也

九四晉如鼫鼠貞厲

客曰。四何以有鼫鼠象。曰。互體四爲艮。主爻有鼠象。居高位。則鼫鼠矣。貞厲者。程傳所謂貞固守此。其危可知。御案所謂戒其以持祿保位爲常。而不知進退之義也。

上九晉其角維用伐邑屬吉无咎貞吝 維用伐邑道未

光也

客曰上象晉角何以有伐邑之占曰占中亦有象九家易離爲
牝牛居晉之極故曰晉其角又離爲甲冑爲戈兵故曰維用伐
邑晉角牛闕之象也伐邑人闕之象也三桓圍郕費於厲吉貞
吝及象傳道未光之義一一脗合程子內治朱子克治之說俱
精。

御案推類言之尤無餘蘊矣。

初九明夷于飛垂其翼君子于行

客曰飛而垂翼其象云何曰離爲雉垂翼避禍之象也鳥之有介節者莫如雉君子以之梅福逢萌龔勝那漢薛方陳咸郭欽蔣詡之徒皆是也

六二明夷于左股用拯馬壯吉

客曰二之夷于左股何也曰二爲互坎初爻坎爲血卦有被傷之象又爲陽卦故曰夷于左股也用拯馬壯何也曰坎於馬爲美脊爲亟心爲下首爲薄蹄今救傷宜速故戒之曰馬壯則吉也蕭望之不知此義故卒不免

九三明夷于南狩得其大首不可疾貞

客曰明夷于南狩得其大首何也曰離爲甲冑爲戈兵又值午位三剛正明體適應上六故有向明除害得其首惡之象不可疾貞何也曰傳以此爲湯武之事南巢之放必於伊尹五就之後牧野之師必於十三年春不可疾貞之義也

六四入于左腹。獲明夷之心。于出門庭。入于左腹。獲心。

意也。

客曰。此爻程傳以爲陰邪之小人。本義以爲柔正之君子。先生將何從。曰。朱子以四居闇地尚淺。故猶可得意於遠去。楊氏時胡氏炳文以微子當之。竊謂得意云者。據象傳獲心意而爲言也。微子不得已爲遺臣。亦何快於紂之亾而云獲心意乎。故必如程傳云云。斯擬之雷開。賈仲飛廉惡來輩。無所不可耳。曰。何以上下四爻皆君子。獨四爻爲小人。耶。曰。坤爲腹。闇地也。四出明入闇。故曰入左腹。曰獲明夷之心。蓋得闇君之腹心。卽闇君。

之腹。心也。下四爻同屬明體。六五居剛得中。故皆爲君子。

六四富家大吉

客曰

御案以四爻爲妻道。妻何以能富家也。曰古者王立朝后立市。面朝後市。先義後利。盛德之所同也。然陰能成陽利。能和義。故后雖不可過市而立市。必祭以陰。禮使內宰司市之職。舉則家富而大吉矣。曰何以見此爻必有此象。曰巽爲近利市三倍。四巽之主爻也。

上九莫益之或擊之立心勿恒凶

客曰上居益極何以求益不已曰巽近利性務入上以剛居柔。不中不正故求益不已莫益之或擊之所謂放利多怨先利則不奪不爨也曰立心勿恒云何曰此與上不相蒙巽爲進退爲不果益與恒反對故以勿恒戒之

中孚豚魚吉

客曰、六馬仰秣、游魚出聽、物固有可感者、豚小豕也、亦可感乎、
曰、豚魚以胡雙湖之解爲確、江豚于江拜風不爽、正切乎澤之
象、信及豚魚、及字作如字、解信如豚魚孚之至矣、稍不如豚魚
則不及豚魚矣、或言以食豕一呼而集、此禽獸所同、何獨豚也、

虞吉有它不燕

客曰、先生以卽鹿无虞、屯三互艮爲山虞、此虞字作何解、曰、此爲澤。初爻虞澤虞也。初二同體虞引其同字於五故吉。若分心於四則反不安矣。周官山虞澤虞、屯三中孚初皆周公所作。不應虞字作別解。此卦六爻无應者吉、有應者凶、折中者是也。

上古結繩而治後世聖人易之以書契

客曰書契之始果如世本言蒼頡造文字歟抑如司馬貞言伏羲造書契歟曰周禮外史掌三皇五帝之書則三皇時已有書契矣賈公彥據孝經緯三皇無文五帝畫象及世本蒼頡造文字之說謂有文字後仰錄三皇時事竊謂結繩之治不過記歲月內事若一一俟後之仰錄恐繩不能垂久且不能有口自言何從仰錄也孔子但言上古結繩云云所謂上古蓋三皇以前後世聖人則三皇及伏羲以後之聖人也書契因時而遞增天子無不考文聖人未定指何人後人專言伏羲蒼頡皆非也曰

三皇有書契據周禮外史此外更有可取証者否曰紀稱天皇氏制干支之名則已制文字不然自甲至癸自閏逢至昭陽之十干自子至亥自困頓至大淵獻之十二支豈繩可結而仰錄者耶地皇氏定三辰人皇氏分九區事尤繁冗非可仰錄者則亦有文字矣曰三皇所制之字有可考否曰間有可考伏羲八卦制震巽離坤兌乾坎艮等字震巽坤艮有辰巳申丑四字則天皇氏十二支之四也震上兩巽下共離南佳坤左土兌入口乾十日九坎右欠艮下木火凡十四字則皆三皇時所制也餘無可考矣曰伏羲所制字可考否曰八卦以及六十四卦之字

與聲皆制自伏羲者也餘亦無可考蒼頡字可考否曰倉頡
久亾皆不可考

如買者請至江西
省甲戌坊乙藜齋

帝出乎震章

客曰先儒以此章爲文王後天八卦方位朱子云所推卦位之說多未詳者今可按經而得其解否曰此章自有經以來說經者有○二○大○誤○卦○位○爲○伏○義○所○定○先○儒○屬○之○文○王○一○大○誤○也○經○文○首○震○先○儒○仍○首○乾○二○大○誤○也○知○二○大○誤○而○求○其○解○則○卦○位○之○不○可○易○者○可○按○方○位○字○體○而○得○其○義○矣○曰○經○文○首○震○當○以○震○巽○離○坤○兌○乾○坎○艮○爲○序○按○經○文○而○更○正○之○易○也○以○後○天○卦○位○爲○伏○義○所○定○安○能○按○方○位○字○體○而○得○其○義○乎○曰○伏○義○畫○八○卦○而○又○造○書○契○者○也○既○造○書○契○則○八○卦○之○字○與○音○皆○其○所○造○所○呼○卽○六○十○四○

卦之字與音亦其所造所呼不待智者而知也今就後天方位
 參字體言之震正東直驚蟄春分清明四十五日象雷龍二月
 雷在天上雷也得乾初交龍也辰宮宿有亢金龍青龍也故其
 文雷頭辰脚爲震巽東南直穀雨立夏小滿四十五日宮屬巳
 宿有翼火蛇軫水蚓蛇蚓雙女之祥也已爲雙女故其文二巳
 共爲巽離正南直芒種夏至小暑四十五日柳星張朱鳥也朱
 鳥尾短名長離故其文离佳爲離坤西南直大暑立秋處暑四
 十五日大暑未土也立秋處暑申金也申宮宿有子星孫星宜
 近老母故其文左土右申爲坤兌正西直白露秋分寒露四十

五。日。萬。物。成。熟。可。說。八。月。也。人。說。人。口。也。故。其。文。八。口。人。爲。兌。
乾。西。北。直。霜。降。立。冬。小。雪。四。十。五。日。乾。象。天。與。君。亥。爲。天。門。室。
宿。內。有。離。宮。星。象。人。君。退。朝。治。事。之。所。乾。又。象。金。寒。水。戌。月。金。
得。乾。之。一。亥。月。寒。水。得。乾。之。二。祭。天。主。日。日。亦。君。象。也。日。入。戌。
亥。則。入。深。矣。故。其。文。二。十。一。九。藏。日。爲。乾。俗訛九坎。正。北。直。大。
雪。冬。至。小。寒。四。十。五。日。水。旺。土。弱。不。能。制。故。其。文。欠。土。爲。坎。艮。
東。北。直。大。寒。立。春。雨。水。四。十。五。日。丑。土。也。寅。木。火。土。也。一。爲。木。
之。中。一。爲。火。之。半。艮。成。終。成。始。故。其。文。丑。頭。木。火。脚。爲。艮。伏。
義。本。八。方。十。二。辰。而。制。八。卦。字。首。震。艮。正。合。建。寅。入。統。之。義。而。

謂作於文主可乎。曰：何不用先天方位制字？曰：易開物成務，自有天地以來，功業之見於世者，皆動與用之所致也。此八卦字所以不用先天而用後天也。曰：然則先天何爲乎？曰：先天本河圖成十二辟卦，不假人爲。譬之天子視朝，文班武列，各有定位。後天則視朝既畢，文武各歸私廨治事也。私廨不與公朝之位同。故後天不同於先天也。曰：據先生參字體定後天方位，本於伏羲絕不牽強，但不知孔子何以不及？曰：伏羲按方與辰制八卦字，孔子以前人所共知，故傳不復及。以義在字中也。後人不知而臆解，則孔子所不及料也。